



فكاواي كاواغن نكري ترغكانو
PEGAWAI KEWANGAN
NEGERI TERENGGANU

PERB. TR. U/16/01/01/4-(17)

13 Januari 2019

7 Jamadil Awal 1440H

Semua Ketua Jabatan Negeri Terengganu
Semua Ketua Badan Berkanun / Agensi Negeri Terengganu
Semua Pihak Berkuasa Tempatan Negeri Terengganu

YB Dato' / Y.Bhg Dato' / YM Datuk / Tuan / Puan,

**ARAHAN PEMATUHAN PEKELILING PERBENDAHARAAN NEGERI BIL. 1
TAHUN 2019 (KAEDAH PERBELANJAAN TAHUN 2019)**

Dengan segala hormatnya saya merujuk kepada perkara di atas dan Pekeliling Perbendaharaan Negeri Bil. 1 Tahun 2019 (Anggaran Perbelanjaan Tahun 2019).

2. Para 5.3 Pekeliling Perbendaharaan Negeri Bil. 1 Tahun 2019 terdapat pembedahan pada tahun '2018' dipinda kepada '2019' sebagaimana berikut:

“Pegawai Pengawal hanya dibenarkan membelanjakan peruntukan sebanyak 1/3 daripada jumlah yang diluluskan untuk setengah tahun pertama **2019** sebagaimana dipersetujui oleh Mesyuarat Jawatankuasa Kewangan dan Pelaburan Bil.1/2016 serta mesyuarat Majlis Mesyuarat Kerajaan Negeri Terengganu.”

3. Merujuk arahan pekeling tersebut, pihak YB Dato' / Y.Bhg Dato' / YM Datuk / Tuan / Puan hanya dibenar membelanjakan sebanyak 1/3 daripada jumlah peruntukan yang diluluskan dalam tempoh 6 bulan pertama tahun ini. Berdasarkan keadaan kewangan Kerajaan Negeri serta selaras dengan langkah penjimatan dan perbelanjaan berhemat, Kerajaan Negeri akan melakukan kawalan lebih ketat dalam mengurus perbelanjaan tahun 2019. **Sehubungan dengan itu, Perbendaharaan Negeri akan melaksanakan sekatan waran di dalam sistem SPEKS bagi memastikan semua jabatan hanya boleh berbelanja sebanyak 1/3 daripada peruntukan yang diluluskan dalam tempoh 6 bulan pertama tahun ini.**



4. Perkara-perkara berikut hendaklah dipatuhi dalam menguruskan perbelanjaan jabatan YB Dato' / Y.Bhg Dato' / YM Datuk / Tuan / Puan:

- 4.1 Peruntukan bagi bayaran Emolumen, di bawah **Osol 10000 dibenar untuk dibelanjakan mengikut kadar sebenar** sebagaimana yang telah diambil kira dalam penyediaan Bajet 2019 dan tidak terlibat dalam langkah perbelanjaan 1/3 daripada peruntukan yang diluluskan dalam tempoh 6 bulan pertama tahun ini.
- 4.2 Perbelanjaan bagi peruntukan Pelbagai Perkhidmatan di bawah Vot B.32 Pejabat Setiausaha Kerajaan untuk pelbagai program juga termasuk dalam langkah perbelanjaan 1/3 peruntukan dalam tempoh 6 bulan pertama tahun 2019. Perancangan teliti bagi mencapai hasrat tersebut perlu dibuat di awal tahun lagi dan unjuran perbelanjaan bagi suku tahun pertama dan kedua 2019 perlu dikemukakan kepada Perbendaharaan Negeri.
- 4.3 Setiap jabatan yang diperuntukkan Bajet Pembangunan Tahun 2019 hendaklah menjadualkan perbelanjaan bagi setiap projek agar selari dengan kehendak para 5.3 tersebut. Sehubungan dengan itu, unjuran perbelanjaan pembangunan bagi suku tahun pertama dan kedua 2019 perlu dikemukakan kepada Pengarah Unit Perancang Ekonomi Negeri Terengganu.
- 4.4 Semua projek pembangunan baharu di bawah kawalan semua Jabatan/PTJ hendaklah diteliti dan dikaji oleh Unit Perancang Ekonomi Negeri (UPEN) terlebih dahulu sebelum diangkat kepada Perbendaharaan Negeri bagi pertimbangan kelulusan perbelanjaan.

5. Bagi memastikan langkah kawalan perbelanjaan ini dipatuhi oleh setiap jabatan, Perbendaharaan Negeri juga akan memantau prestasi perbelanjaan bulanan bagi setiap jabatan. Pegawai Pengawal hendaklah memastikan Mesyuarat Jawatankuasa Pengurusan Kewangan dan Akaun (JPKA) diadakan sebagaimana yang telah ditetapkan serta menghantar laporan mesyuarat tersebut kepada Perbendaharaan Negeri pada setiap suku tahun.



6. Arahan-arahan mengenai langkah perbelanjaan secara berhemat bagi mengawal perbelanjaan awam sebagaimana dalam Pekeliling Perbendaharaan Negeri Bil. 2 Tahun 2016 hendaklah terus dijadikan panduan dalam menguruskan perbelanjaan jabatan dalam tahun 2019.

7. Sekali lagi perlu diingatkan kepada setiap Pegawai Pengawal supaya memberi perhatian serius dalam pengurusan kewangan jabatan serta memastikan arahan-arahan dalam pekeling yang dikeluarkan dipatuhi sewajarnya. Semoga dengan itu, kerajaan dapat terus memberikan perkhidmatan yang terbaik kepada rakyat meskipun dalam kekangan kewangan yang dihadapi.

Sekian, terima kasih.

“ TERENGGANU MAJU, BERKAT, SEJAHTERA ”
“ BERKHIDMAT UNTUK NEGARA ”

Saya yang menjalankan amanah,

(MOHD ZAHARI BIN MD AZAHAR)

s.k.:- Bendahari Negeri
Terengganu

Pengarah Audit Negeri
Terengganu